



LIDA Stories

lidastories.net

Gara Noorwey dhtuu

Aamiiina

Julie Cornelia van Walsum
Muhammed Berisso



This work is licensed under a Creative Commons Attribution 4.0 International License.
<https://creativecommons.org/licenses/by/4.0>

Gara Noorwey dhtuu



Aamiiina

Julie Cornelia van Walsum
Muhammed Berisso

5

Afan Oromo



Aanii fi obbolloonni koo lamaan Muddee 2016 gara Noorweey dhufne. Noorweey keessatti akkuma Somaaliyaatti hoo'a jenne waan yaanneef uffata ganna uffannee turre. Haata'u malee, buufata xiyyaaraa yommuu geenyu, qorri bu'aa ture. Qorrinee turre akkasumas qilleensi ni qorra ture. Boorsaa muraasa fidne ta'us, uffata gannaa qofa of keessaa qabu turan.




Qorra ta'us, gara Noorwey yommuu
dhufnu baay'een gammade. Dhumarratti!
haadha koo ishee wagga jahaaf hin
argine deebisee wal arge. Haati koo fi
hiriyoonni ishee lama nu qunnaman.
Yeroo ishee arginu gammachuudhaan
boonne. Konkolaataa keenyaan gara
magaalaa xinnoo haarmeen jiraattutti!
deemne.



Guyyoonni jalqabaa magaalaa Harmeen keessatti jiraattuu baayyee kan hin baramne turan. Qabbanaa fi qorri waan tureef waan baay'ee arguu hin dandeenne. Daandiiwwan guutummaatti duwwaa turan. Namoonni muraasni ani wal arge qorraa fi michuu hin qabne natti fakkaatu turan. Somaaliyaa keessatti bakka hundatti namoonni waan jiraniif, asitti wanti hundi akka hin baramne natti dhaga'ame. Haati koo fi hiriyyoonni ishee kennaa tokko tokko nuuf kennanii, achiis uffata qorraa bitachuuf nu fudhattee deemte.



Osoon Somaaliyaa keessa turee silaa ammatti haadha ta'ee natti fakkaata. Tarii duraanuu ijoollee hedduu qaba ture. Osoo Somaaliyaa keessa jiraadhee carraa amma argadhe hin argadhu ture. Noorweey keessa jiraachuun koo carraa akka ta'e natti dhagahama.



Ayyaana ayyaana masqalaa booda koorsii
afaan Noorweey wiirtuu barnoota
ga'eessotaa keessatti kennamutti makame.
Mana barumsaa idilee tokko jalqabuu koo
dura wagga lamaaf achitti baradhe.
Amma wagga dhuma irrà jira, michoota
haaraa hedduu horadheera. Namaan walii
galuu fi namoota biroo wajjin wal arguun
baay'ee na gammachiisa.



Bara dhufu kutaa fayyaa fi misooma
dargaggoota keessatti barnoota sadarkaa
lammaffaa nan eegala. Gara fuulduraatti
hojjetaa dargagoo ta'uu barbaada.
Yeroon barnoota koo xumuru abjuun koo
hojii dhaabbataa argachuudha. Akkasumas
akkaataa konkolaataa itti oofamu
barachuu fi hayyama konkolaachisummaa
koo argachuu barbaada.



Barnoota booda gara giddugala tola ooltotaan geggeeffamu dhaqee hojii manaa koo irratti gargaarsa argadha. Giddugalichatti koorsii huccuu hodhuus itti makameera.



Somaaliyaa keessatti mana barumsaa Qur'aana malee mana barumsaa dhaqee ykn koorsii tokkollee fudhee hin beeku. Akkamitti akka dubbisuu fi barreessu hin beeku ture. Amma akkaataa itti barreessan afaan Somaalee fi Noorweey tiin baradheera, akkasumas gosoota barnootaa biroo hedduu baradheera. Barnoota malee nama akkan hin taane natti dhaga'ame. Amma beekumsaa fi gammachuun natti dhagahama.